

Inuit Ataqatigiit Inatsisartuni

Nuuk, 28. marts 2008

Inatsisartut Suleriaasianni §36, imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Nuummi Tuapannguani sanaartornerup siuariartornerani pilersarummi aningaasartuutit nalilersoq-qinneqarnissaannut Naalakkersuisut pissutissarsisimanerpat?
2. Sanaartornerup aallartinneqannginnerani Nuummi inissaminnik utaqquisut utaqqinerisa sivisussusaa-nut qanoq sunniuteqassanersoq missingersorniarlugu qanoq iluuseqartoqarsimava? Qanoq iluuseqarto-qarsimanngippat sooq taamaannersoq Naalakkersuisunit nassuiaqquneqarpoq.
3. Sanaatornermut sanasunik allanillu ilinniarsimasunik noqqaaneq annertusisissimanerpa, taamaalil-lunilu sanaartornerup pineqartoq allanik sanaartugassanik illuliornissanillu privatilik pisortanilluunniit pilersaarutaasunik aallartitsinissanut akornutaasimasinnaava?
4. Naluneqanngitsutut sanaartornermi pineqartumi siunertarisat ilagisimavaat inissianik akikitsunik pis-sarsisinnaanissaq. Taamaammat ilaqqat sisamanik inuttallit sisamanik initalimmik piginneqatigiillutik inissiamik pisisut, taakkunanilu angajoqqaajusut tamarmik nalinginnaasumik SIK-mi isumaqatigiissutit najoqqutaralugit aningaasarsiaqartut assersuutigalugit naatsorsuusioqqullugit Naalakkersuisut qinnui-gineqassapput.

Assersuusiorluni naatsorsuusiornermi iserternermi nammineq akiligassaq missingersoqquneqarpoq. I-lanngullugu qaammammut tamakkiisumik akiliutissat ilannguteqquneqarput, tassaasut piginneqatigiil-luni peqatigiiffimmut akiliutissat, innaallagissamut, imermut il.il. akiliutissat ilanngullugit. Ilanngullu-gu Naalakkersuisut qinnuigissavakka assersuusiorluni naatsorsuusiornermi ilaqqat taakku piginneqa-tigiilluni inissiamik pisinerminni qanoq annertutigisumik akileraartarnerminni ilanngaateqarsinnaassa-nersut, tamatumani pissutsit tamakkiisumik paaserusullugit.

5. Taamatut sanaartornissamik aalajangerneq Naalakkersuisunit suli pitsaanerpaatut isigineqarpa? A-kissummi Naalakkersuisut tunngavilersuinissaat kissaatigissavara.
(Inatsisartuni ilaasorta q Esmar Bergstrøm, Inuit Ataqatigiit)

Tunngavilersuut

Innuttaasut amerlanerpaat nammineerlutik initaarnissaminnut periarfissinneqarnissat Kalaallit Nunaani ineqarnermut politikkip ukiuni arlaqalersuni siunertarisimavaa. Tamanna tunngaviatigit isumaqatigil-luinnarpara tapersorsorlugulu. Inuiaqatigiit kalaallit ullumikkut initaarnissaminnut aningaasaliinissamut assigiinngitsutigit periarfissarissaarput, taamatut illoqarfinni anginerumaani assigiinngitsuni privatilik inissialiorneq annertusarneqarluni. Namminerli inissamik pisiniarluni aningaasaliiniraanni akileraarut ilanngaatigitinnagu isertitat (A-indkomst) naammagineqarnissaat piumasaqaataasoq naatsorsuutigine-qartariaqarpoq.

Tamanna eqqarsaatigalugu Tuapannguani sanaartulersimaneq tunngavimmigit isummassarsiatsialaa-voq innuttaasunut akunnattumik isertitaqartartunut inissanik piuminartumik akillit pissarsiarineqarsin-naalissammata. Taannarpiaq tunngavigalugu qulaani apeqquq Naalakkersuisunut saqqummiukkusus-simavakka.